

**ხელშეკრულება N ზ/114**  
**სახელმწიფო შესყიდვების შესახებ**

ქ. თბილისი

2019 წელი

ერთის მხრივ, არასამეწარმეო (არაკომერციული) იურიდიული პირი „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი დირექტორის თამაზ დარჩიძის სახით და მეორე მხრივ შპს უსაფრთხო გარემო (შემდგომში „მიმწოდებელი“) წარმოდგენილი დირექტორის ნუგზარ მელაძის სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის საფუძველზე, გამარტივებული შესყიდვის ფორმით დებენ სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულების ტერმინების განმარტება**

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
- 1.2. „შემსყიდველი“ - ორგანიზაცია, რომელიც ახორციელებს შესყიდვას.
- 1.3. „მიმწოდებელი“ - ორგანიზაცია, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.4. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

- 2.1. ხელშეკრულების საგანს წარმოადგენს ბოტანიკური ბაღის ბალანსზე არსებული 3 (სამი) შენობისათვის 12 (თორმეტი) ერთეული საევაკუაციო გეგმის ნახაზის მომზადება.
- 2.2. კლასიფიკატორის CPV კოდი - 79710000 - უსაფრთხოებასთან დაკავშირებული მომსახურებები.

**3. ხელშეკრულების ღირებულება**

- 3.1. ხელშეკრულების ჯამური ღირებულება შეადგენს 625 (ექვსას ოცდახუთი) ლარს.
- 3.2. ხელშეკრულების ფასი შეიცავს მიმწოდებლის ყველა ხარჯს, დაკავშირებულს მოწოდებასთან, მათ შორის კანონმდებლობით დადგენილ ყველა გადასახადს.

**4. ანგარიშსწორების ფორმა და ვადები**

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. დაფინანსების წყარო - ადგილობრივი ბიუჯეტის სახსრები.
- 4.3. მიმწოდებელთან ანგარიშსწორება იწარმოებს მიღება-ჩაბარების აქტის საფუძველზე.
- 4.4. შემსყიდველის მიერ გაწეული მომსახურების ანაზღაურება მოხდება მიმწოდებლის მიერ მიღება-ჩაბარების აქტზე ხელის მოწერიდან 10 (ათი) სამუშაო დღის განმავლობაში.

**5. მომსახურების მიღება-ჩაბარების წესი**

- 5.1. მომსახურება ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს შრომის უსაფრთხოების მონიტორინგის განყოფილებაწამყვანი სპეციალისტი გელა მუჯირიშვილი.

**6. მომსახურების მიწოდების ვადა**

- 6.1. მომსახურების გაწევის ვადაა ხელშეკრულების გაფორმებიდან 2019 წლის 30 აგვისტოს ჩათვლით.

**7. მხარეთა უფლება-მოვალეობები**

- 7.1. შემსყიდველს უფლება აქვს შეამოწმოს მომსახურების შესაბამისობა ხელშეკრულებით გათვალისწინებულ პირობებთან და განახორციელოს ხარისხის კონტროლი და ზედამხედველობა მიმწოდებლის მიერ ხელშეკრულების პირობების დაცვაზე. შემსყიდველის მხრიდან ინსპექტირებას უზრუნველყოფს შრომის უსაფრთხოების მონიტორინგის განყოფილებაწამყვანი სპეციალისტი გელა მუჯირიშვილი.
- 7.2. შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.
- 7.3. შემსყიდველი ვალდებულია აუნაზღაუროს მიმწოდებელს გაწეული მომსახურების ღირებულება წინამდებარე ხელშეკრულებით გათვალისწინებული პირობებით.
- 7.4. მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.
- 7.5. მიმწოდებელი ვალდებულია გაუწიოს მომსახურება ხელშეკრულებით გათვალისწინებულ ვადებში.

**8. პირგასამტეხლო ხელშეკრულების პირობების შესრულებლობისათვის**

- 8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს ეკისრება პირგასამტეხლო ყოველ გადაგადაცილებულ დღეზე შესრულებელი ვალდებულების ღირებულების 0.02%-ის ოდენობით.
- 8.2. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

**9. ხელშეკრულებაში ცვლილებების შეტანა და ხელშეკრულების შეწყვეტა**

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შესრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:
  - ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
  - ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;
  - გ) იმ შემთხვევაში, თუ მიმწოდებლის მხრიდან საქონლის მიწოდების ვადების დარღვევის პერიოდი აღემატება 10 (ათი) კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს;
  - დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - ე) საქართველოს კანონმდებლობით გათვალისწინებულ სხვა შემთხვევებში;

**10. დაუძლეველი ძალა**

10.1. მხარეები თავისუფლდებიან ხელშეკრულებით განსაზღვრული ვალდებულების შესრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

**11. დავები და მათი გადაწყვეტის წესი**

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 30 დღის განმავლობაში, დავის გადასაწყვეტად მხარეები უფლებამოსილნი არიან მიმართონ თბილისის საქალაქო სასამართლოს საქართველოს მოქმედი კანონმდებლობის შესაბამისად.

**12. ხელშეკრულების ენა და მოქმედების ვადები**

- 12.1. ხელშეკრულება შედგენილია ქართულ ენაზე, ელექტრონულად.
- 12.2. ხელშეკრულება ძალაში შედის 2019 წლის 20 აგვისტოდან და მოქმედებს 2019 წლის 30 ოქტომბრის ჩათვლით.

**13. მხარეთა რეკვიზიტები**

**შემსყიდველი:**

ა(ა)იპ - „საქართველოს ეროვნული ბოტანიკურ ბაღი“  
 მის: ქ. თბილისი, ბოტანიკური ქ. #1  
 ს/კ: 404405960  
 ბანკი: სახელმწიფო ხაზინა  
 ბანკის კოდი TRESGE22  
 ანგ. #741 887 499  
 დირექტორის მოვალეობის შემსრულებელი  
**ვახტანგ გაბიაშვილი**

**მიმწოდებელი:**

**შპს უსაფრთხო გარემო**  
 მის: ქ. თბილისი, დიღმ. მას. 2-19-45  
 ს/კ: 402109008  
 ბანკი: საქართველოს ბანკი  
 ბანკის კოდი: BAGAGE22  
 ა/ა: **GE 95BG 0000 0001 0324 3378**  
 დირექტორი  
**ნუგზარ მელაძე**

## ხელწერილი

ინტერესთა კონფლიქტის არარსებობის შესახებ

ქ. თბილისი

2019 წელი

ვადასტურებთ, რომ არასამეწარმეო (არაკომერციული) „საქართველოს ეროვნულ ბოტანიკურ ბაღსა“ და შპს უსაფრთხო გარემო-ს შორის გაფორმებული #ბ/114 ხელშეკრულების ფარგლებში შესყიდვის განხორციელებაში ჩვენი მონაწილეობა არ იწვევს ინტერესთა კონფლიქტს და არ ეწინააღმდეგება „სახელმწიფო შესყიდვების შესახებ“ კანონის მე-8 მუხლის მოთხოვნებს.

ა(ა)იპ საქართველოს ეროვნული ბოტანიკური ბაღის

დირექტორის მოვალეობის შემსრულებელი

**ვახტანგ გაბიაშვილი**